



Broj: 09/3-45-1-5987-5/26  
Datum: 10.06.2026. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, Pravilnika o izmjenama i dopunama Pravilnika o javnim nabavkama Grada Visoko broj: 01/1-02-1481/25 od 29.08.2025. godine, otvorenog postupka javne nabavke za usluge osiguranja: LOT 1 – Osiguranje nepokretne imovine od požara i nekih drugih opasnosti, LOT 2 – Osiguranje profesionalnih vatrogasaca od posljedica nesretnog slučaja u 24 sata i LOT 3 – Kolektivno osiguranje uposlenika od posljedica nesretnog slučaja u 24 sata pokrenutog Odlukom broj: 09/3-45-1-5987/26 od 06.05.2026. godine i objavljenog na Portalu javnih nabavki Obavještenjem o nabavci broj: 870-1-2-69-3-66/26 od 08.05.2026. godine, na prijedlog komisije, gradonačelnik donosi:

**O D L U K U**  
**o izboru najpovoljnijeg ponuđača**  
**LOT 3 – Kolektivno osiguranje uposlenika od posljedica nesretnog slučaja u 24 sata**

**I**

Komisija je konstatovala da je ponuda ponuđača EUROHERC OSIGURANJE d.d. Sarajevo nepravilna, dok su ponude ponuđača SARAJEVO-OSIGURANJE d.d. Sarajevo i ASA CENTRAL OSIGURANJE d.d. Sarajevo prihvatljive.

U skladu sa navedenim i kriterijem za dodjelu ugovora, najpovoljnijim ponuđačem proglašava se:

**SARAJEVO-OSIGURANJE d.d. Sarajevo**  
(sa cijenom ponude u iznosu od 2.808,00 KM bez PDV-a)

**II**

Obzirom da je izabrani ponuđač u okviru ponude za LOT 1 uredno dostavio dokumentaciju iz člana 45. Zakona o javnim nabavkama, istu nije obavezan ponovo dostavljati.

**III**

Po sticanju uslova za zaključenje okvirnog sporazuma, Ugovorni organ će pozvati izabranog ponuđača radi zaključenja okvirnog sporazuma u skladu sa zahtjevima – uslovima Ugovornog organa navedenim u otvorenom postupku.

**IV**

Odluka stupa na snagu danom donošenja.

## Obrazloženje

Grad Visoko je pokrenuo otvoreni postupak javne nabavke za usluge osiguranja: LOT 1 – Osiguranje nepokretne imovine od požara i nekih drugih opasnosti, LOT 2 – Osiguranje profesionalnih vatrogasaca od posljedica nesretnog slučaja u 24 sata i LOT 3 – Kolektivno osiguranje uposlenika od posljedica nesretnog slučaja u 24 sata, Odlukom o pokretanju postupka broj: 09/3-45-1-5987/26 od 06.05.2026. godine. Postupak je objavljen na portalu javnih nabavki Obavještenjem o nabavci broj: 870-1-2-69-3-66/26 od 08.05.2026. godine i u Službenom glasniku BiH broj: 34 od 15.05.2026. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”, broj: 103/14 i 49/23) Komisija je imenovana Rješenjem o imenovanju komisije broj: 09/3-45-1-5987-1/26 od 06.05.2026. godine, u sastavu:

- |                                 |  |
|---------------------------------|--|
| 1. Adna Smajić, predsjedavajuća | 1. Zilha Sirčo, zamjenik predsjedavajuće       |
| 2. Edin Smailović, član         | 2. Sanvil Hajdarović, zamjenik člana           |
| 3. Sadžida Ganić, član          | 3. Semir Masnopita, zamjenik člana             |
| 4. Abas Avdagić, sekretar       | 4. Andrea Mitrović Karačić, zamjenik sekretara |

Zbog korištenja bolovanja člana komisije Smailović Edina, radu komisije je pristupio zamjenik člana Hajdarović Sanvil.

U roku za dostavljanje ponuda 02.06.2026. godine do 12:00 sati za LOT 3 dostavljene su ponude ponuđača:

1. EUROHERC OSIGURANJE d.d. Sarajevo
2. SARAJEVO-OSIGURANJE d.d. Sarajevo
3. ASA CENTRAL OSIGURANJE d.d. Sarajevo

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 02.06.2026. godine u 12:15 sati Komisija je pristupila otvaranju blagovremeno pristiglih ponuda. Otvaranju ponuda nisu prisustvovali predstavnici ponuđača.

Predsjedavajuća Komisije je pročitala cijene ponuda i to:

Red. br	Ponuđač	Ukupna cijena KM bez PDV-a	Popust
1.	EUROHERC OSIGURANJE d.d. Sarajevo	2.592,00	/
2.	SARAJEVO-OSIGURANJE d.d. Sarajevo	2.808,00	/
3.	ASA CENTRAL OSIGURANJE d.d. Sarajevo	3.297,60	/

Kada je riječ o dostavljanju kopije zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama (“Službeni glasnik BiH”, broj: 39/14, 59/22 i 50/24).

Komisija je prilikom ocjene ponude konstatovala sljedeće:

Ponuda ponuđača **EUROHERC OSIGURANJE d.d. Sarajevo** je nepravilna. Ponuđač je u okviru ponude za LOT 2 dostavio aktuelni izvod iz sudskog registra kao zajednički dokument za ponudu za LOT 2 i ponudu za LOT 3. Međutim, navedeni dokaz nije uredno dostavljen, jer nije dostavljen kao original ili ovjerena kopija. Naime, tačkom 12. tenderske dokumentacije traženo je sljedeće: *Shodno članu 46. Zakona o javnim nabavkama ponuđači trebaju uz ponudu dostaviti dokaz o registraciji u odgovarajućim profesionalnim ili drugim registrima zemlje u kojoj su registrirani (aktuelni izvod iz sudskog ili drugog registra) ili potvrdu nadležnog organa kojom se dokazuje njihovo pravo da obavljaju profesionalnu djelatnost iz predmeta nabavke u originalu ili ovjerenoj kopiji.* Suprotno traženom, dostavljena kopija aktuelnog izvoda iz sudskog registra nije uredno ovjerena, jer ne sadrži hemijski pečat notara.

Ponuda ponuđača **SARAJEVO-OSIGURANJE d.d. Sarajevo** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač je u okviru ponude za LOT 1 uredno dostavio dokumentaciju iz člana 45. Zakona o javnim nabavkama.

Ponuda ponuđača **ASA CENTRAL OSIGURANJE d.d. Sarajevo** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač je u okviru ponude za LOT 1 uredno dostavio dokumentaciju iz člana 45. Zakona o javnim nabavkama.

U skladu sa navedenim, komisija je predložila donošenje odluke o izboru najpovoljnijeg ponuđača - SARAJEVO-OSIGURANJE d.d. Sarajevo sa cijenom ponude u iznosu od 2.808,00 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žaliloca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),  
Depozitni račun broj: 5517902220404858 (UniCredit Banka a.d. Banja Luka),  
Depozitni račun broj: 5556000060067744 (Nova Banka a.d. Banja Luka) i  
Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka );
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

**Dostavljeno:**

1. EUROHERC OSIGURANJE d.d. Sarajevo,
2. SARAJEVO-OSIGURANJE d.d. Sarajevo,
3. ASA CENTRAL OSIGURANJE d.d. Sarajevo,
4. Evidencija,
5. a/a.-

